



Alþingi

Erindi nr. P 132/1597

komudagur 12.4.2006

Nefndasvið Alþingis
Efnahags- og viðskiptanefnd
Austurstræti 8-10
150 REYKJAVÍK

Reykjavík 11. apríl 2006

SP/hó

Efni: Frumvarp til laga um Lífeyrissjóð bænda, 622. mál


Tilv: 2006030012

Vísað er í bréf efnahags- og viðskiptanefndar Alþingis, dags. 27. mars sl. þar sem leitað er umsagnar um ofangreint frumvarp.

Frumvarpið var samið að frumkvæði stjórnar Lífeyrissjóðs bænda, ekki síst í þeim tilgangi að gera sjóðnum kleift að taka upp aldurstengingu réttinda. Með frumvarpinu er lagaumhverfi sjóðsins einfaldað og fært nær því sem gildir um aðra lífeyrissjóði.

Bændasamtök Íslands gera ekki efnislegar athugasemdir við frumvarpið og mæla með samþykkt þess.

Virðingarfyllst,
f.h. Bændasamtaka Íslands



Sigurður Þorgeirsson

FJÁRMÁLAÆFTIRLITIÐ

Alþingi

Erindi nr. P 132/1576

komudagur 10.4.2006

Nefndasvið Alþingis
Austurstræti 8-10
150 REYKJAVÍK

10. apríl 2006

Tilvísun: 2006030078

Efni: Umsögn um frumvarp til laga um lífeyrissjóð bænda 622. mál.

Fjármálaeftirlitið vísar til bréfs yðar, dags. 27. mars 2006, þar sem óskað er umsagnar um frumvarp til laga um Lífeyrissjóð bænda, 622. mál, einföldun og samræming lagaákvæða. Með frumvarpinu eru lagðar til breytingar á lögum um Lífeyrissjóð bænda, en þær fela það í sér að lagaumhverfi Lífeyrissjóðs bænda verði einfaldað og starfsumhverfi lífeyrissjóðsins gert sem sambærilegast starfsumhverfi annarra lífeyrissjóða.


Við yfirferð Fjármálaeftirlitsins á framangreindu frumvarpi kom í ljós að í g-lið 1. gr. kemur fram að setja skuli nánari reglur um skipulag sjóðsins og starfsemi auk ákvæða um iðgjald, mótframlag og lífeyrisréttindi í samþykktir sem fjármálaráðherra staðfestir að fenginni umsögn Fjármálaeftirlitsins. Fjármálaeftirlitið telur að í framangreindri grein ætti einnig að vera tekið fram að komi til breytinga á samþykktum sjóðsins skuli fjármálaráðherra staðfesta þær að nýju að fenginni umsögn Fjármálaeftirlitsins.

Í athugasemdum við lagafrumvarp það sem hér er til umsagnar kemur fram að núgildandi lagaumhverfi fyrir Lífeyrissjóð bænda komi í veg fyrir að sjóðurinn geti tekið upp sambærilegar breytingar á lífeyrisréttindaákvæðum og aðrir sjóðir eru að taka upp samhliða aldurstengingu réttinda, þar sem lífeyrisréttindin eru bundin í lög. Fjármálaeftirlitið vill árétta að verði frumvarp það sem hér er til umsagnar að lögum mun eftirlitið líta svo á III kafli laga nr. 129/1997 um skyldutryggingu lífeyrisréttinda og starfsemi lífeyrissjóða gildi um lífeyrisréttindi sjóðsfélaga sbr. 50. gr. sömu laga.

Fjármálaeftirlitið hefur yfirfarið frumvarpið og gerir ekki frekari athugasemdir við efni þess.

Virðingarfyllst,

FJÁRMÁLAÆFTIRLITIÐ


Jónas Fr. Jónsson


Björg Fengur

Efnahags- og viðskiptanefnd Alþingis
Austurstræti 8-10
150 Reykjavík


Reykjavík, 10. apríl 2006

Efni: Umsögn um frumvarp til laga um breyting á lögum nr. 12/1999, um Lífeyrissjóð bændu.

Efnahags- og viðskiptanefnd Alþingis hefur með bréfi til Landssamtaka lífeyrissjóða, dags. 27. mars s.l., óskað eftir umsögn samtakanna við ofangreindu frumvarpi.

Í frumvarpinu eru lagðar til breytingar á lögum um Lífeyrissjóð bændu, sem gerir allt lagaumhverfi sjóðsins einfaldara og sambærilegt við það sem gildir um aðra sjóði, þ.á.m. að réttindaávinnsla og lífeyrisréttindi verði í samþykktum sjóðsins, en ekki fastbundin í lögum.

Landssamtök lífeyrissjóða telja þetta frumvarp vera til mikilla bóta og leggja því til að það verði samþykkt á yfirstandandi Alþingi.

Virðingarfyllst,
LANDSSAMTÖK LÍFEYRISSJÓÐA

Hrafn Magnússon



Lífeyrissjóður bænda
Bændahöllinni við Hagatorg
107 REYKJAVÍK
Kt. 670172-0589

Alþingi
Erindi nr. P 132/1530
komudagur 3.4.2006

Sími 563 0300
Fax 561 9100

Nefndasvið Alþingis,
Efnahags- og viðskiptanefnd
Austurstræti 8-10
150 REYKJAVÍK

Reykjavík, 3. apríl 2006

Efni: 622. mál, Frumvarp til laga um breyting á lögum nr. 12/1999, um Lífeyrissjóð bænda, með síðari breytingum.

Visað er til bréfs, dags. 27. mars 2006, þar sem óskað er umsagnar Lífeyrissjóðs bænda um framangreint frumvarp.

Ofangreint frumvarp er lagt fram í samráði við stjórn Lífeyrissjóðs bænda í þeim tilgangi að einfalda lagaumhverfi hans. Í núgildandi lögum eru ákvæði um lífeyrisréttindi sem koma í veg fyrir að sjóðurinn geti tekið upp samsvarandi lífeyrisréttindi og aðrir lífeyrissjóðir sem tekið hafa upp aldurstengingu réttinda. Því er að mati stjórnar sjóðsins nauðsynlegt að fella niður lífeyrisréttindaákvæði laganna. Lágmarksákvæði um lífeyrisréttindi er að finna í III. kafla laga nr. 129/1997 um skyldutryggingu lífeyrisréttinda og starfsemi lífeyrissjóða.

Rétt er að taka fram að nú liggur fyrir tryggingafræðileg úttekt á stöðu lífeyrissjóðsins í árslok 2005. Niðurstöður hennar eru þær að núvirtar eignir að viðbættum framtíðariðgjöldum eru 1.001 mkr. hærri en heildarskuldbindingar sjóðsins og hagnaður 4,57%. Núvirtar eignir eru 2.568 mkr. hærri en áfallnar skuldbindingar eða 15,86%.

Lífeyrissjóður bænda gerir ekki efnislegar athugasemdir við frumvarp þetta og telur það bæta starfsumhverfi sjóðsins.

Virðingarfyllst,
Lífeyrissjóður bænda

Sigurbjörg Björnsdóttir
framkvæmdastjóri

Alþingi
Erindi nr. P 132/1611
komudagur 12.4.2006

DAGSETNING

TILVÍSUN

Alþingi, efnahags- og viðskiptanefnd
Austurstræti 8
150 REYKJAVÍK

Reykjavík, 4. apríl 2006 2006030496

Með bréfi dags. 27. mars sl. sendi Efnahags- og viðskiptanefnd Alþingis ríkisskattstjóra frumvarp til laga um Lífeyrissjóð bænda, 622. mál, einföldun og samræming lagaákvæða.

Ekki er tilefni af hálfu embættisins til að gera athugasemd við frumvarp þetta.

Virðingarfyllst


Indriði H Þorláksson
ríkisskattstjóri



VIÐSKIPTARÁÐ ÍSLANDS
ICELAND CHAMBER
OF COMMERCE

Alþingi
Erindi nr. P 132/1564
komudagur 7.4.2006

Nefndasvið Alþingis
Efnahags- og viðskiptanefnd
b/t Hlínar Liiju Sigfúsdóttur, nefndarritara
Austurstræti 8 - 10
150 Reykjavík

Reykjavík, 7. apríl 2006.


Efni: Frv. til laga um br. á l. nr. 12/1999 um Lífeyrissjóð bændna (622. mál)

Viðskiptaráð þakkar nefndinni fyrir það tækifæri að fá að veita umsögn um ofangreint frumvarp sem miðar að því að einfalda lagaumhverfi sjóðsins þannig að starfsumhverfi hans verði sambærilegt við það sem gildir um aðra lífeyrissjóði.

Því ber að fagna að sjóðurinn sé færður í nútímalegt horf. Umhverfi lífeyrissjóða almennt mætti hinsvegar færa í átt til meira frjálsræðis. Eðlilegt verður að teljast að starfsmenn á vinnumarkaði ráði sem mestu um það í hvaða lífeyrissjóð þeir greiða og hve mikið. Það ætti einnig að vera samkomulagsatriði milli starfsmanna og samtaka þeirra annars vegar og atvinnurekenda og samtaka þeirra hve mikið móttframlag er greitt í lífeyrissjóð af hálfu atvinnurekenda. Það er þó eðlilegt að slíkt gerist almennt með lífeyrissjóða kerfið í heild í kjölfar almennrar endurskoðunar.

Viðskiptaráð gerir að öðru leyti ekki athugasemd við frumvarpið.

Virðingarfyllst,
f.h. Viðskiptaráðs Íslands,


Davíð Þorláksson